




IKINNGUTIGIINNEQ
MISIGISSUTSILLU



Immikkoortoq "Ikinngutigiiinneq Misigissutsillu" sungiusaatinik assigiinngitsunik tallimanik imaqarpoq, taakkunani ataqatigiinneq ajuutiginninnerlu ukkatarineqarput. Immikkoortoq sungiusarnermik aallaqqaasiuteqarpoq, tassani atuartut eqimattakkaarlutik ikinngutigiiinneq pitsaasoq eqqarsaatersuutigissavaat. Atuartut namminneq qanigisaminni pingaarnertut naleqartitativit pillugit ilisimasaqarnerulersinnaapput. Sungiusaatini kingullerni pingasuni ajuutiginninneq isiginnittaatsit assigiinngitsut aallaavigalugit ukkatarineqarpoq. Atuartut timi atorlugu attaveqatigiinneq pillugu assinik suliaqassapput, aammalu akuersineq akuersinnginnerlu maluginiassallugu. Pisuusaartitsineq aqqutigalugu pisut assigiinngitsut pillugit eqqarsaatersussapput, tassani oqaaseq flirting sammineqassalluni. Sungiusarnermi atuartut aalasuliaq In a Heartbeat isiginnaassavaat. Aalasuliami misigissutsit qanoq takutinneqarnerisut sammissavaat.

Naggasiutitut aalasuliaq sungiusarnertaqarpoq, qanoq pitsaasumik itigartitsisoqarsinananananut tunngasunik. Meeqqat inuusuttuaqqallu amerlasuut asannileqaarneq aliasunnermut atassuserneqarsinnaavoq. Pingaartumik asannilerneq illuinnaaniit misigineqarpat. Sungiusarnermi uani pingaarnertut sammineqassaaq qanoq ililluni ajunngitsumik itigartitsisoqarsinnaanersaq. Sungiusarnermi pisuusaartitativit atuartut eqqarsaatersuutigisassaat tunngavigineqarput. Sungiusarneq ataqatigiit akornanni eqqartueqatigiinnermik naggaserneqarsinnaavoq.

Misigissutsit pillugit asannilernerneq tunngasoq sammisaq atuartut ilaannut sakkortusinnaavoq, ilinniartitsisutullu pingaaruteqarpoq Inni toqqissisimaaffiusumi isumaqatigiissutit eqqaasitsissutiginnissaat.



IKINNGUTIGIINNEQ PITSAASOQ

SIUNERTAQ:

Atuartut assersuuteqarsinnaapput qanoq
ikinngutaalluatoqarsinnaanersoq

Atuartut ikinngutigiiinneq pitsaasoq qanoq ittuunersoq
oqaloqatigiissutigisinnaassavaat

ATORTUSSAT:

Suliassat kortitallit qiuutillu

SUNGIUSAATIT NASSUIARNERI

ALLORIANEQ 1

Atuartut sungiusaammut ilisaritikkit. Atuartut
paasitinneqassapput ikinngutigiiinneq aammalu
ikinngutigiiinneq pitsaasoq sammineqassammata.

ALLORIANEQ 2

Atuartut eqimattanut agguataarneqassapput. Eqimattat
ataasiakkaat pingaarnersiuiinermut sungiusaammik,
pingaarnersiuiinermullu kortinik qiortagassanik
tunineqassapput. Suliassami kortit quliupput. Kortini
qulingiluani ikinngutigiiinnermi pingaaruteqarsinnaasut
assigiinngitsut takutinneqarput. Kortimi
allaqqasoqanngitsumi atuartut pingaaruteqarsorisartik
ilanngussinnaavaat.

ALLORIANEQ 3

Eqimattani siullertut atuartut kortinik qiortaassapput.
Taava eqimattani oqaloqatigiissutigissavaat pissutsit
allattorsimaffimmiittut sorliit ikinngutigiiinnermi
pingaarnarpaatinnerlugit. Kortit pingaarnersiorlugit
pyramidetut ilusilimmik inissitsiterneqassapput.
Pingaarnarpaasorisartik qullertut inississavaat. Ataani
pingaarnarpaat tullii marluk ilineqassapput allertullu
pingaartinnginnerusatik sisamat inississavaat.



Atuartut oqaloqatissatut saaffissaminnik ujartuippata, illit ilinniartitsisutut Tusaanngamut innersuussinnaavatit.



PAASSISUTISSAT

Kikkulluunniit oqaloqateqarnissamik allaqateqarnissamilluunniit pisariaqartitsisut Tusaannga attavigisinnaavaat. Ajornartorsiutigisatit annertugualarpata annikkaluarpataluunniit siunnersortimik ikiuussinnaasumik siunnersuisinnaasumillu piareersimasoqartarpoq. Kinaluunniit ajornartorsiorluni kisimiittutut misigissanngilaq. Tusaavatsigit.

Tusasseerussimagaluaraanniluunniit Tusaannga attavigineqarsinnaavoq, tassungami attaveqarneq akeqanngilaq.

Tusaannga pillugu annertunerusumik paasisaqarusukkuit uunga isersinnaavutit: www.Tusaannga.gl


ATTAVISSAT:

SMS-erniaruit 1899 allaffigissavat

Oqaloqateqarniaruit 801180 sianerfigissavat

Chat-eqateqarniaruit uunga iserit:

www.Tusaannga.gl



ALLORIANEQ 4

Kinguneratigit atuaqatigiit eqqartueqatigiissapput. Eqimattakkaani pyramideliatik atuaqatiminnut takutissavaat, aammalu sooq taamatut inissiisimanertik nassuiaatigissallugu.

Atuartut pingaarnersiuerinik itisiliitissinnaassut uku apeqqutit aallaavigisinnaavatit:

- Pyramidet inississukkasi qanoq assigiinngissuteqarlutillu assigeequteqarpat?
- Eqimattami isumaqatigiinniarneq ajornanngila – imaluunniit isumaqatigiinngissuteqarsimavisi?
- Assersuutigalugu ikinngutigiiinni ataqeqatigiinneq qanoq isumaqarpa?
- Ikinngutigiit akornanni pisariaqartitat assigiinngitsut qanoq matussuserneqarsinnaappat?

- Inuit attaveqatigiittarfiitigit ikinnguteqarnerup pitsaasup ilisarnaatai malillugit kortit pingaarnersiussagalarussigit allaanerusumik pingaarnersiuisimassagalarupisi? Inuit attaveqatigiittarfiini ikinngutigiinneq aammalu inuit attaveqatigiinnerni avataanni ikinngutigiinnerit assigiinngissuteqarpat?
- Peerariilluarnerup ilisarnaatai malillugit kortit pingaarnersiussagalarussigit allaanerusumik pingaarnersiuisimassagalarupisi? Ikinngutigiinnerup peerariinnerullu suut assigiissutigalugillu assigiinngissutigivaat?
- Ikinngutigiinnerit peqatigiinnerillu pillugit apeqqutissaqaraanni imaluunniit nalornissuteqaraanni kina oqaloqatigineqarsinnaava?





SULIASSAQ



NUANNISAQATIGIINNEQ	TIGEQATIGIISSINNAANEQ	ISSOQATIGIISSINNAANEQ	IMMITSINNUT ATAQQINNINNERMIK TAKUTITSISINNAANEQ
SOQUTIGISAQA- QATIGIINNEQ	PIFFISSAQ SIVISOOQ ILAGIISSINNAANEQ	IMMITSINNUT TUSARNAARSINNAANEQ	AJORNARTORSIUTIT PILLUGIT OQALOQATIGIIS- SINNAANEQ
IMMITSINNUT UNNEQQARIFFIGI- GISINNAANEQ			

Kipparissut qiortarsigit imatullu
inississuullugit

Imaqanngitsunut nammineq ilanngussisinnaavusi





ASANNILERNEQ

SIUNERTAQ:

Atuartut asannilerneq qanoq isumaqarnerseq pillugu oqaloqatigiissinnaassapput

Atuartut timip pissusaatigut attaveqarnermik assersuutini takunnissinnaassapput, aammalu eqqartussallugu timip pissusaata atuarsinnaanera paasisinnaaneralu

ATORTUSSAT:

Suliassat assitallit

SUNGIUSAATIT NASSUIARNERI

ALLORIANEQ 1

Atuartunut oqaluttuariuk asannilerneq sammineqassammat. Assersuutigalugu asannilerfigisaaq aamma taamak misiginersooq nalunarsinnaammat, asannilerfigisallu asannilerfigisimanngippani ittoornarlunilu itigartinneqarnissamut annilaanganarsinnaasooq.

ALLORIANEQ 2

Atuartut asannilerneq qanoq isumaqarnerseq, qanorlu misigisimanarnerseq pillugit isumassarsiatik saqqummiutissavaat. Assersuutigalugu aperigit:

"Asannilerfigisimasavit ilinnut soqutiginninnerseq takujuminaassinnaavoq. Oqaatsit atornagit, timilli pissusaa atorlugu qanoq soqutiginnilluni takutinneqarsinnaava?"

ALLORIANEQ 3

Atuartut oqarfigikkit naak qularutiginngikkaluarlugu inuup allap tasiorusunnera imaluunniit immaqa kunikkusunnera, timimigut qanoq takutitsinersooq maluginiaqqaarnissaa pingaaruteqarmat. Aamma qularutigigaanni apereqqaartoqarsinnaavoq.



ALLORIANEQ 4

Suliassaq 1 "Tasiornissamut qujaannarpunga" atuartunut agguaaguk. Suliassami assimi takuneqarsinnaapput aappaa tasiorusuttoq aappaali tasiorusunngitsoq. Atuartut ukua pillugit oqaloqatigisinnaavatit:

- Assimi susoqarpa?
- Qanoq ilillutit takusinnaaviuk aappaa tasiorusuttoq aappaalu tasiorusunngitsoq?
- Aappaata tasiorusunngippagu qanoq iliortoqarsinnaava?
- Tasiorusuppat qanoq takutinneqarsinnaanersoq siunnersuuteqassagussi suussagaluarpa?
- Qanoq ilillutit aperisinnaavit tasiorusutavit tasiorusunneraatit?



ALLORIANEQ 5

Suliassaq 2 "Tasiornissamut akuersivunga" atuartunut agguaaguk. Atuaqatigiit akornanni oqaloqatigiissutigissavaat marluullutik qanoq imminnut tasiorusullutik takutissinnaaneraat.

ALLORIANEQ 6

Suliassani sungiusarnek ingerlateqqissiuk. Taamatuttaaq atuartut oqaloqatigikkit qanoq ililluni takuneqarsinnaanersoq kunikkusutag kunikkusunnersoq kunikkusunnginnersorluunniit.





SULIASSAQ 1




TASIORNISSANNUT QUJAANNARPUNGA 🚫




1



2



3



4



5



SULIASSAQ 2



TASIORNISSANNUT AKUERSIVUNGA ✓




1



2



3



4



5



SULIASSAQ 3




APARNISSANNUT QUJAANNARPUNGA —



1



2



3



4




SULIASSAQ 4




APARNISSANNUT AKUERSIVUNGA ✓



1



2



3



4



FLIRTERNEQ SUNAAVA?

SIUNERTAQ:

Atuartut assersuuteqarsinnaassapput asannilerneq qanoq isumaqarnersoq

Atuartut asannilernerme misigissutsit artornarsinnaasut nuannersullu pillugit oqaloqatigiissinnaassapput

ATORTUSSAT:

Suliassaq apeqqutininik imalik kiisalu aqerluusaaq tuschilu

SUNGIUSAATIT NASSUIARNERI

ALLORIANEQ 1

Atuartunut oqaluttuaruk maanna flirterneq asannilernerlu sammineqassammata. Assersuutigalugu inuit ilai peeraqarsinnaapput ilaasalu peeraqarnissaaq soqutigineq ajorlugu. Ilaat inersimanerulernissamut utaqqisarput, immaqalu aamma inersimasunngornissamut utaqqisarlutik. Ilaalli aamma peerartaanngisaannarput. Pingaarnerpaavoq ajunnginnissaaq aammalu allanut pissuserissaarnissaaq.

ALLORIANEQ 2

Allattarfissuarmi "flirt" allaguk. Atuartut ataatsimoorlutik isumassarsiussapput.

- Flirterneq qanoq isumaqarpa?
- Qanoq flirtertoqartarpa?
- Kina flirteqatigineqarsinnaava?

Taamatuttaaq allattarfissuarmut "asannilerneq" allaguk, tamatumuunga atuartut ajuutiginninneq pillugu ilisimasaminnik, tusarsimasaminnik upperisaminnillu assersuusiussapput. Ini toqqissisimaffiusumi isumaqatigiissutit atuartunut eqqaasitsissutigikkit, namminerlu misigisimasat pillugit oqaluttuortoqassanngimmat.

ALLORIANEQ 3

Atuartut maanna eqimattakkaarlutik suliaqassapput, suliassaq 1-imik tunineqassallutik. Eqimattani apeqqutit akissavaat assersuusiortullu oqaatsit, timip pissusaa aammalu kiinarsorneq atorlugit qanoq flirtertoqarsinnaanersoq. Suliassaq titartaanermik ilaneqarsinnaavoq, suliassaq 2-mi akissutit titartarnissaannut atuartut periarfissaqassagamik.

ALLORIANEQ 4

Atuartut akissutitit atuaqatigiullutik ataatsimut saqqummiutissavaat.



Asannilerneq sammissallugu atuartut ilaannut assut mianernarsinnaavoq, taamaattumik eqqumaffigiuk atuartut akornanni Ini toqqissisimaffiusumit isumaqatigiissutit malinneqarnissaat.

SULIASSAQ 1



FIISTIMI FLIRTERNEQ:

Nikki aamma Aima atuarfimmi fiistertoqarnerani qitittarfimmi qiteqatigiipput. Nipilersuut nipituvoq nuannisartoqarneralu malunnarluni. Aimap Nikki nuannaraa, atuaqatimini nukappiaqqani inequnarnerpaammat. Aimalli nangaassutigaa Nikkip nuannarineraani, imaluunniit qitinnini nuannariinnarneraa. Aimap misiliilluni Nikki flirterfigerusuppaa, soqutiginninnersoq paasiniarlugu. Qanorli iliussava?

Oqaatsit atorlugit:

Timi atorlugu:

Kiinnani atorlugu:



ATUARFIMMI FLIRTERNEQ:

Ualikkut Nukakkullu danskisut atuarput. Nuka pikkunaalliorpoq suliaqarnissanilu ajornartillugu. Ingammik Naja sioralaanguani issiammat. Naja atuaqatigiinni nutaajuvoq, qaammatit marluk matuma siora ilaquttanilu Aasianniit nuussimavoq. Nukap Naja assut nuannaraa, atuaqatigiinni niviarsiaqqanit allanit soqutigintinnerujussuullugu. Naja tassanngaannaq tunumut saariaaarpoq Nukalu isaatigut qiviarlugu. Nuka qungujuffigaa. Wauv! Nuka qanoq iliussava?

Oqaatsit atorlugit:

Timi atorlugu:

Kiinnani atorlugu:



SULIASSAQ 1



MOBILIKKUT FLIRTERNEQ:

Erneeraq angelarsimaffimmini sofami mobilerujoorpoq. Tuuma, nunaqarfimmi ungasissumi najugalik Erneeraq snappeqatigaa. Sivisuumik allaqatigiittarsimapput, snappimilu filterit tissinartut atorlugit imminnut nasseqattaartarlutik. Erneeraq ilaannikkut kiserliortarpoq, taamaattumillu Tuumap snapperfigigaangani nuannaajallattarluni. Tuuma Erneeqqamut snappimik uummatilersuilluni nassiussivoq. Erneeraq tupaallappoq ilukkulli kissaallalluni. Erneeraq tuumamut flirterusuppoq, qanorli iliussava?

Oqaatsit atorlugit:

Timi atorlugu:

Kiinnani atorlugu:



FLIRT I SKOLEN:

Anouk ilaquuttanilu Tenerifemi feriarput. Aasaanerani tassunga angalasarpot, seqinnersumi naluttarfimmilu iluataartarlutik. Anoup feriarneq assut nuannaraa, meeqqallu nunanit allaneersut naapinnissaat nuannarisarlugu. Aasaaq manna nukappiaraq ataaseq Anoup maluginiarsimavaa, tassa Miguel Spaniameersoq. Miguel imusunik nujaqarpoq, kajortunik iseqarluni qungujunneralu inequnaqaaq. Anoup Miguel oqaloqatigerusuppaa, inuillu attaveqatigiittarfiatigut imminnut malissinnaanerlutik apererusullugu. Ikiu! Miguel spanskisut taamaallaat oqalussinnaavoq, Anoup qanoq ililluni attaveqarfigilissavaa?

Oqaatsit atorlugit:


Timi atorlugu:

Kiinnani atorlugu:

FLIRTERNEQ SUNAAVA?

SULIASSAQ 2





ILINNIARTITSISUMUT QUPPERNEQ



FIISTIMI FLIRTERNEQ:

Nuannarisat ilinnut nuannarinnersoq takujuminaassinnaavoq. Flirteqatigiinnermi soqutigeqatigiinneq paasinianeqarsinnaavoq. Aimap Nikkimut nuannarinninnini assigiinngitsutigut takutissinnaavaa. Oqaatsini atorlugit assersuutigalugu oqarsinnaavoq Nikki inequgalugu imaluunniit nuannaralugu. Aimap timini aamma atorlugu nuannarilluni paasitissinnaavaa. Assersuutigalugu qitinnerminni qanillisinnaavaa imaluunniit eqillugu. Kisianni pingaaruteqarpoq Aimap maluginiarnissaa, Nikkip attorneqarnini nuannerineraa imaluunniit nuannarinnginneraa. Nuannarinngippagu tamanna ataqqisariaqarpaa. Aima kiinnaminik takutissinnaavaa, ass. qungujullugu imaluunniit Nikkimut isinnguaarluni.

ATUARFIMMI FLIRTERNEQ:

Atuaqammut asannilerneq nalinginnaasorujussuuvog, taamaattumillu atuarnep nalaani flirternissaq pilerinarsinnaalluni. Kisianni atuaqatit akornanni flirternissaq nalunarsinnaavoq. Immaqa nammeneq imaluunniit flirteqatigisap allat isigitillutgit taamaaliortoqarnera kanngugisinnaavaa. Nukap Najamik soqutiginninnini assigiinngitsutigut takutissinnaavaa. Oqaatsini atorlugit Najap inequnartumik qiviarnera akisinnaavaa ilassillugu. Kiinnani atorlugu qungujussinnaavaa. Aamma timini ammasumik takutissinnaavaa paasitinniarlugu soqutiginnilluni. Atuartut oqaloqatigikkit timikkut ammasumik imaluunniit matoqqasumik takutitsineq qanoq isumaqarnersoq. Assersuutigalugu Nukap talini paarlaqqatikkunigit Najalu qiviarnagu, taava timimigut takutissavaa matoqqalluni.



ILINNIARTITSISUMUT QUPPERNEQ

MOBILIKKUT FLIRTERNEQ:

Mobilikkut imaluunniit attaveqaatini ajornanngitsumik flirtertoqarsinnaavoq. Timitaliillunili flirternermiit allaanerulaarpoq. Attaveqaatini oqaloqatigiinnermi paatsooqqatigiinnissaq qaninnerusarpoq, allaqatigisammi qanoq isikkoqarnera takuneqarsinnaanngilaq imaluunniit nipaatiqut tusaaneqarsinnaanani qanoq innersoq. Erneerarli mobili atorlugu Tuuma assigiinngitsutigit flirteqatigisinnaavaa. Oqaatsini atorlugit chatsimi allassinnaavaa Tuuma nuannaralugu. Allalluni inequgalugu, imaluunniit immaqa aperalugu Tuumap nuannarineraani? Attaveqaatitigit oqaloqatigiinnermi timip kiinallu atornissaat ajornakusoorpoq. Kisianni Erneeraq assersuutigalugu emojiq atuisinnaavoq. Emojiq misigissutsiminut naleqquttumik nassiussisinnaavoq, immaqalu kiinap isikkua nassiukkusutani ilanngullugu. Ass. uummataasartalik imaluunniit smiley isinnguaartoq.

FERIARNERMI FLIRTERNEQ:

Allamik oqaasilimmik flirteqateqarnissaq ajornakusoorinnaavoq. Oqaatsitsigut paaseqatigiissinnaanngikkaanni misigissutsit eqqarsaatillu qanoq oqaatigineqarsinnaappat? Anoup Migueli inunnut attaveqaatini malinnaavigilerusullugu attavigerusukkuniuk, timip ilusaagut takussutissat atortariaqarpai. Miguelimut aalaterisinnaavoq, qungujullugu timimigullu ammasuunini takutillugu. Mobilini tikkuarsinnaavaa inunnullu attaveqaatini profilini takutillugu. Oqaatsit assigiinngitsut atoraluarlugit, nunami suminngaanneeraluaraanniluunniit inunnut attaveqaatinik atuisarneq amerlanertigit assigiittarpoq. Aamma appeqarpoq oqaatsinut allanut nutserisinnaasunik, assersuutigalugu spanskisut. Atuartut oqaloqatigikkut appinik taamaattunik nalunngisaqarnersut. Imaluunniit namminneq misilittarsimaneraat allanik oqaasilinnik oqaloqateqarneq, naak imminnut paasisinnaanngikkaluarlutik.



IN A HEARTBEAT

SIUNERTAQ:

Atuartut asannilernermi timimi susoqartarnersoq nassuiarsinnaassavaat

Kina asannilerfigissanerlugu nammineq aalajangerneqarsinnaanngitsoq atuartunit ilisimaneqalissaaq

ATORTUSSAT:

Aalasuliaq "In a heartbeat", Youtubemi nassaarineqarsinnaavoq

SUNGIUSAATIT NASSUIARNERI

ALLORIANEQ 1

Maanna atuartut ilisimatikkitt aalasuliamik asannilernermut tunngasumik isiginnaalersusi.

Titartakkanik aalasuliaasoq oqaasertaqanngitsoq nipilersuusersorneratigulli oqaluttuartinneqartoq ilanngullugu oqaatigiuk.

- Soormita uummat asanninnermut ilisarnaatitut ator neqartarpa?
- Nipilersuusersorneqarsimanera imarisaanut qanoq sunniuteqarpa?
- Kia aalajangertarpaa kina asannilerfigineqassanersoq?

ALLORIANEQ 2

Atuaqatigiit ataatsimut peqatigalugit youtubekkut "In a heartbeat" isiginnaarsiuk.

ALLORIANEQ 3

Kingorna atuartut ukuninnga aperikkitt:

- Isiginnaagassiaq sumut tunngava?

ALLORIANEQ 4

Maanna atuartut uummat oqalutsillugu misilissagaat oqarfigikkitt.

Aalasuliaq aallaqqaataaniit aallartiguk uummatillu iliuuseqarneri tamaasa unitsittarlugu. Uummatip oqalussinnaagaluaruni pisumi qanoq oqarsimassagaluarnera atuartunut apeqquutiguk.

Aalasuliami uummat nammineq piumasarpiaamisut iliortoq takuneqarsinnaavoq. Kina asannilerfigissanerlugu nammineq aalajangerneqarsinnaanngitsoq atuartunit ilisimaneqalissaaq.

Aamma suiaaqatinoortuunissap nammineq aalajangerneqarsinnaannginneranut takussutissatut ator neqarsinnaavoq. Aalasuliap pingaarnertut asannilertarneq sammivaa, immaqalu nukappiaqqat marluk sammineqarnerat atuartut ilaannit oqaasertalerneqassaaq. "Ini toqqissisimaffiusoq" pillugu atuartut eqqaasikkitt, qinngarsuerpalaartumimmi oqaasertalersuisoqassanngilaq. Suiaaqatiminoortartunut nikassuerpalaartunik oqaaseqarneq nammineq maluginngikkaluarlugu ikinngummik ajuallatsitsisoortoqarsinnaammat.





QUJAANNARPUNGA, ITIGARTITSINEQ PITSAASOQ

SIUNERTAQ:

Atuartut eqqarsaatigisinnaassavaat
oqaatigisinnaassallugulu qanoq ililluni flirterfigitinnermi
ajunngitsumik itigartitsisoqarsinnaanersoq

Atuartut itigartitsinnermi misigissutsit eqqarsaatillu
artorneqarsinnaasut pillugit oqaloqatigiissinnaassapput

Atuartut qanoq killiliinissaq, aammattaaq
killiliiffiisap misigissusaanik ataqqinninnissaq pillugit
ilisimasaqarnerulissapput

ATORTUSSAT:

Suliassaq nalornissutininik toqqagassanik imalik, aqerluusat,
allattarfissuaq kridtilu

SUNGIUSAATIT NASSUIARNERI

ALLORIANEQ 1

Atuartunut oqaluttuaruk maanna asannilerneq
killissallu sammineqassammata. Aallartissutigalugu
allattarfissuarmut kridtimik allaguk: "**Peerariikkusuppit?**".
Apeqqutip ataani kipparissut pingasut titartakkit.
Kipparissup siulliup ataanut "**AAP**", kipparissup aappaata
ataanut "**NAAMIK**" aamma kipparissup pingajuata ataanut
"**IMMAQA**" allakkit.

ALLORIANEQ 2

Atuartut allakkat taamaattut nalunnginneraat aperikkit.
Suunerinik nalornippata oqarfigisinnaavatit tassaammata
peerarisamut/peerarerusutamut allagaasut. Taamaattumik
nassitsilluni paasiniaasoqarsinnaavoq inuk nuannarisaaq
aamma nuannarinninnersoq. Inuup allaffigitittup

kipparissut arlaat toqqariarlugu allagaq nassiussisumut
utertissavaa.

ALLORIANEQ 3

Maanna "Naamik"-p nalaaniittoq nalunaaqutserneqassaaq.
Kingorna atuaqatigiinnut ukua apeqqutigikkit:

- Akissutigisarput qanoq isumaqarpa?
- Allakkamik nassitsisup akissut tiguguniuk qanormita
misigissava?
- Soormitaavaana ilaanni itigartitsinissaq
ajornakusoorsinnaasoq?
- Pitsaanerusumik oqaatigineqarsinnaagaluarpaa?



Atuaqatigiit akornanni atuartut ilaat itigartitsinnermut imaluunniit ajuutiginninnermut tunngatillugu nuanniitsunik misigisaqarsimasinnaapput. Eqqumaffigiuk atuartunut erseqqissassallugu, sungiusarnermi namminneq misilittakkaminnik oqaluttuassanngimmata, kisiannili meeqqat inuusuttullu nalinginnaasumik misigisartagaat sammineqassammata. Ini toqqissisimaffiusumit isumaqatigiissutit atuartunut eqqaasitsissutigikkit.

ALLORIANEQ 4

Atuartut eqimattanut mikinerumaanut agguataakkit, tamarmik 4-5-nik inuttalerlugit.

Eqimattallu tamaasa suliassamik agguassiffikkitt. Maanna pisuusaartitat itigartitsinermut tunngasut atuassavaat. Pisuusartitat akornanni pitsaanerpaatitartik toqqassavaat. Pisuusaartitani periarfissaq 4 "Alla" imaqaanngilaq, tassani atuartut namminneq akissummik tulluarnerusumik allassapput.

ALLORIANEQ 5

Naggasiullugu atuaqatigiit akornanni eqqartueqatigiissaasi, eqimattat tamakkerlutik akissutiliatik saqqummiutissavaat. Eqimattat akissuteqaatiminnik saqqummiussereerpata, eqqartueqatigiinneq aallartinniarlugu makku apeqqutigisinnaavatit:

- Akissutit ilaat isumaqatigiinngissutigaaasigit?
- Pisuusaartitat ilaat nalunarpat?
- Kalaallit Nunaanni meeqqat inuusuttuaqqallu itigartitsinissaq ajornanngitsittarpaat imaluunniit ajornartittarpaat?
- Itigartinneqarsimagaanni ajuallassimallunilu kina oqaloqatigineqarsinnaava?
- Meeqqat inuusuttuaqqallu ilaat isumaqartarput itigartinneqarsimagaanni inuttut pitsaasuunnginnermik peqquteqartoq. Inuk taamatut misigisimasoo qanoq oqarfigissagaluarpiuk?
- Qanoq ililluta pitsaannerusumik itigartisisinnaalersinnaavugut?



SULIASSAQ



PISUUSAARTITAQ 1

Pipaluup Ivik piffissaq sivisooq messengerikkut allaqatigisareersimavaa. Aallaqqaammut allaqatigiilluartarnerat pissanganappaarsimavoq, massakkulli Pipaluup Ivik qatsukkiartulerpaa. Unnuit ilaanni Ivik ingasaassilluni nassiussisaqattaarpoq, allalluni nuannarlugu. Naggataatigut aperivoq Pipaluup filmeriaqatigerusunnginneraani. Pipaluk piumanngilaaq, kisianni qanoq oqarnissani nalornissutigaa?

Periarfissaq 1: Pipaluup Ivik allaffigissavaa taamatut soqutiginagu.

PITSAAQUTAA

AJOQUTAA

Periarfissaq 2: Pipaluup Ivik "Ghost"-issavaa allakkaangallu akissarlugu.

PITSAAQUTAA

AJOQUTAA

Periarfissaq 3: Pipaluup Ivik allaffigissavaa nammineq angutaateqarluni, tamanna ilumuunngikkaluarteq.

PITSAAQUTAA

AJOQUTAA

Pitsaasumik itigartitsineq:



SULIASSAQ



PISUUSAARTITAQ 2

Ulloriaq pissangaqaaq. Nora qaammatini marlunni peerarisimavaa, maannali peerariikkusukkunnaarpoq. Aalajangersimavoq anitsiarfimmi qimassallugu. Erniinnaq sianeq sianissaaq, kisianni Ullorissap qanoq iliornissani naluaa.



Periarfissaq 1: Ullorissap Nora Messengerikkut imaluunniit sms-ikkut allaffigiinnassavaa.

PITSAAQUTAA

AJOQUTAA

Periarfissaq 2: Ullorissap kammani qinnuigissavaa Nora oqaluuteqqullugu.

PITSAAQUTAA

AJOQUTAA

Periarfissaq 3: Ullorissap anitsiarfiup tulliani ingerlaannaq Noramut oqaatigisariaqarpaa.

PITSAAQUTAA

AJOQUTAA

Pitsaasumik itigartitsineq:

SULIASSAQ



PISUUSAARTITAQ 3

Kimmi timersortarfimmi issiavimmi issiavoq, arsaannermi immikkoortoq siullermi arsaqqammerpoq. Malina atuaqatini niviarsiaqqat ilagalugit unamminerup nalaani qiimmassaasimavoq. Malina sanianut ingippoq assaalu tigullugu. Kimmip paasisinnaangilaa sooq Malinap unitsiinnannginneraani, qanoq ililluni paasitissinnaavaa taamatut soqutiginau?



Periarfissaq 1: Kimmi issiavimmiit nikuissaaq ingerlaqqillunilu.

PITSAAQUTAA

AJOQUTAA

Periarfissaq 2: Kimmip Malina soqutiginningsuusaassavaa nammineerluni paasissammagu.

PITSAAQUTAA

AJOQUTAA

Periarfissaq 3: Kimmip assani illuartissavaa Malinalu qinnuigalugu taamaaliussanngitsoq.

PITSAAQUTAA

AJOQUTAA

Pitsaasumik itigartitsineq:



SULIASSAQ



PISUUSAARTITAQ 4

Kistaraq iluunakkunni fiisteqataavoq, atuaqatai arlallit aamma peqataapput. Malik arlaleriarluni qiteqatigaa. Unnuup ingerlanerani Malik qanilliartuinnavippoq. Kistaqqap maluginnaavaa toqqissisimajunnaarluni annilaanganeralu annertusiartorpoq. Maliup kuninniarlugu kiinnani qanillisippaa. Qanoq iliussava?

Periarfissaq 1: Kistaqqap niaqquni sanimut saatissavaa kunitsinnginniassagami.

PITSAAQUTAA

AJOQUTAA

Periarfissaq 2: Kistaqqap Malik ajassavaa naveerlugulu.

PITSAAQUTAA

AJOQUTAA

Periarfissaq 3: Kistaqqap Malik uneqqussavaa oqarfigalugulu qitiinnarusulluni.

PITSAAQUTAA

AJOQUTAA

Pitsaasumik itigartitsineq:



ILINNIARTITSISUMUT QUPPERNEQ

PISUUSAARTITAQ 1:

Ajornakusoorsinnaavoq inuk alla oqarfigissallugu soqutiginnikkunnaarluni. Ingammik allaqatigalugu paatsooqatigiissinnaallunilu. Pipalummot periarfissat assigiinngitsut akornanni pitsaanerpaavoq Ivimmut unneqqarissumik akissuteqaruni. Pipaluup Ivik ajuallatsikkusunngikkaluaruniulluunniit, ajornerussaaq ghost-eruniuk imaluunniit sallulluni oqarfiguniuk. Atuartut ghosting suunersoq ilisimanngippassuk, isumaa oqaluuserisiuk.

PISUUSAARTITAQ 2:

Qimanneq nuanninngisaannarpoq. Inuup allap qanoq qisuariarnissaa ernumagineqarsinnaavoq. Kikkulluunniit imminnut ajuallatsikkusunneq ajorput, kisiannili qimannermi taamanna pinngitsoortinneqarsinnaanngilaq. Taamaattumik tupinnanngilaq Ullorissap sms-ikkut imaluunniit ikinngutini ilaat aqqutigalugu Norap qimannissaa ussarnartimmagu. Kisianni Ullorissap iliuuserisinnaasaa pitsaanerpaaq tassaavoq anitsiarnermi Nora unneqqarillunilu oqarfiguniuk.

PISUUSAARTITAQ 3:

Paasinarpoq Kimmip Malinap iliuusa qinngarimmagu. Soqutiginnittumik itigartitsinissaq ajornakusoornarsinnaavoq. Malinap takutinnissaanut Kimmi assigiinngitsunik periarfissaqarpoq. Pisumit imminut peersissinnaavoq. Kisianni misigisimaguni Malina paasinninngitsaq, pitsaanerpaassaaq eqqortumik oqarfiguniuk. Assinganik misigisimannginneq ajortuunngilaq. Allat ilinnut ajuutiginninnissaat aalajangerneqarsinnaanngilaq.

PISUUSAARTITAQ 4:

Nuannaaqatigiilluni fiisteqatigiinnermi paatsooqatigiinneq pisinnaavoq. Kunissinngikkaluarluni qiteqateqarusunneq ajunngilaq. Misigisimaguit allat ilinnut paasinninngitsut, pitsaanerpaavoq oqaatsit atorlugit annissinissaq. Itigartitsisoqarsinnaavoq, allallu killissatit ataqqisussavaat.





